

Na osnovu člana 104. Zakona o igrama na sreću Brčko Distrikta, BiH (Službeni glasnik Brčko distrikta BiH 6/22 i 24/22), te člana 81. Pravilnika o primjeni Zakona o igrama na sreću Brčko distrikta BiH (Službeni glasnik Brčko distrikta BiH 36/22), te na osnovu Rješenja Porezne uprave Brčko Distrikta BiH br. UP-I-14.7-04.3-3402/24 od 03.05.2024. godine, kompanija

Mars Overseas Holdings d.o.o., predstavništvo u Bosni i Hercegovini, sa sjedištem i adresom u ulici Adema Buce 148, 71000 Sarajevo, matični broj 4202223360005 dana 6.3.2024. godine donosi sljedeće :

„SNICKERS OWN GOAL 2024“ – PRAVILA PROMOTIVNOG DARIVANJA I KOMPLETNI USLOVI I ODREDBE

1. ORGANIZATOR I ZVANIČNA PRAVILA NAGRADNE IGRE

- 1.1. Ova pravila promotivnog darivanja, uslovi i odredbe („**Uslovi**“) regulišu vaše učešće u nagradnoj igri „Snickers Own Goal 2024“ („**Nagrada igra**“). Molimo vas da pažljivo pročitate ove uslove prije nego što se prijavite za učešće, jer se učešćem i označavanjem kvadratića smatra da ste prihvatili i složili se da ste obavezani ovim Uslovima i odredbama.
- 1.2. Organizator nagradne igre je Mars Overseas Holdings d.o.o., predstavništvo u Bosni i Hercegovini, sa sjedištem i adresom u ulici Adema Buce 148, 71000 Sarajevo, matični broj 4202223360005, u svrhu promocije brenda Snickers (u daljem tekstu: „**Organizator**“)
- 1.2. Organizator shvata zaštitu podataka veoma ozbiljno. Učešćem u ovoj Nagradnoj igri potvrđujete da ste pročitali Politiku privatnosti na <https://www.mars.com/privacy-policy> i slažete se da se svi lični podaci koje dostavite kao dio ove Nagradne igre čuvaju i obrađuju u skladu sa ovom Politikom privatnosti.
- 1.3. Svi lični podaci koje dobitnik dostavi Organizatoru nagradne igre će biti tretirani u skladu sa politikom privatnosti Organizatora nagradne igre, koja je dostupna na: <https://www.mars.com/privacy-policy>
- 1.4. Organizator zadržava pravo da u bilo kojem trenutku izmjeni ili dopuni Zvanična pravila, a promjene stupaju na snagu nakon njihovog javnog objavljivanja na <https://www.snickers.com/football/bs-ba>

2. PRAVO UČEŠĆA

- 2.1. Pravo učešća u Nagradnoj igri imaju sve osobe koje su državljani United Kingdom, Republic of Ireland, Germany, France, Netherlands, Austria, Belgium, Luxembourg, Switzerland, Denmark, Norway, Sweden, Finland, Czechia, Slovakia, Hungary, Romania, Spain, Serbia, Montenegro, Macedonia, Kosovo, Slovenia, Bosnia, Estonia, Latvia, Lithuania, Bulgaria, Israel, Kazakhstan, Uzbekistan, KSA, UAE, Kuwait, Oman, Bahrain, Qatar, South Africa, Botswana, Angola, Namibia (u daljem tekstu: „**Države**“), osim zaposlenih u kompaniji Organizatora, Mars Inc., i članova njihovih užih porodica, povezanih agenata ili bilo kojih drugih osoba profesionalno povezanih sa Nagradnom igrom.
- 2.2. Učesnici u Nagradnoj igri moraju imati 18 ili više godina na dan registracije (u daljem tekstu: „**Učesnici**“).
- 2.3. Pristup internetu i registracija su obavezni.
- 2.4. Višestruke registracije, učesnici koji koriste više adresa, e-mail adresa, brojeva ili unose podatke preko agenata, trećih strana, organizovanih grupa, sindikata ili pseudonima, ili automatske kompjuterski-generisane registracije neće biti prihvaćene. Registracije primljene na bilo koji drugi način osim kako je navedeno u ovim Uslovima neće biti prihvaćene. Svaka osoba koja uporno pokušava da zaobiđe proces registracije će biti trenutno diskvalifikovana. Neće biti prihvaćene nepotpune, netačne ili višestruke registracije iste osobe koje prelaze dnevni limit. Registraciju mora izvršiti direktno osoba koja učestvuje u Nagradnoj igri. U Nagradnoj igri mogu učestvovati samo stvarne važeće registracije.

3. PERIOD TRAJANJA NAGRADNE IGRE

- 3.1. Na teritoriji Brčko distrikta, Bosne i Hercegovine Nagradna igra će trajati od 00:00:01 sati 01.06.2024. godine do 23:59:59 sati 31.07.2024. godine (u daljem tekstu: „**Period trajanja Nagradne igre**“).
- 3.2. Registracije napravljene izvan ovih datuma Nagradne igre će biti nevažeće i neće biti uključene u Nagradnu igru.

4. USLOVI UČEŠĆA

- 4.1. Da bi dobio priliku za pobjedu, Učesnik treba [skenirati QR kod na reklamnom materijalu na kojem je predstavljena Nagradna igra ili] posjetiti <https://www.snickers.com/football/bs-ba>. Potrebno je popuniti formular za online registraciju unošenjem punog imena, adrese e-mail adrese, broja mobilnog telefona, zemlje prebivališta i odabrati igrača.
- 4.2. Učešće u Nagradnoj igri nije povezano sa kupovinom proizvoda.
- 4.3. Prihvaćena se samo jedna prijava po Učesniku po danu. Maksimalno 10 prijava po Učesniku može biti podneseno tokom perioda trajanja Nagradne igre.

5. NAGRADE

- 5.1. Nagrade koje se mogu osvojiti su dostupne svim državljanima Država koji su učestvovali u Nagradnoj igri u skladu s pravilima navedenim u ovim Uslovima („**Nagrade**“).
- 5.2. Ukupan broj nagrada za sve države: 4 nagrade upoznavanje i sesija sa Bukayo Sakom i 4 nagrade upoznavanje i sesija sa Lukom Modrićem su u ponudi („**Sesije**“). Ukupna vrijednost nagradnog fonda za 8 sesija iznosi 68.328,00 KM, odnosno pojedinačni iznos nagrade iznosi 8.541,00 KM Treninzi i upoznavanje će se održati u periodu od 1. oktobra 2024. godine do 12. aprila 2025. godine, na lokaciji u Europi koja će biti naznačena pobjednicima kada bude organizovana dodjela nagrada, u skladu sa rasporedom Bukayo Sake ili Luke Modrića. Datum i lokacija će varirati u zavisnosti od toga da li se sesija organizuje sa Bukayo Sakom ili Lukom Modrićem. Dobitnik nagrade može povesti jednog gosta sa sobom, a odgovornost dobitnika je da bude na raspolaganju da otputuje na dodjelu nagrade na navedeni datum. Neće biti ponuđene nikakve alternative. Dobitnik mora sa Organizatorom podijeliti podatke o odabranom gostu, najkasnije 10 dana od dana obavijesti o osvojenoj nagradi.
- 5.3. Svaka sesija i upoznavanje su u vrijednosti od 7.300,00 KM + PDV (paket za dvije odrasle osobe 8.541,00 KM s PDV-om) uključuje:
 - 20 minuta uživo igranje 1 na 1 i upoznavanje sa Bukayo Sakom ili Lukom Modrićem za dobitnika (dobitnik može odlučiti da li želi podijeliti ovu mogućnost sa svojim gostom).
 - Povratne avionske karte u ekonomskoj klasi za dvoje (uključujući sve primjenjive aerodromske takse, naknade i dažbine), od odabranih velikih međunarodnih aerodroma u matičnoj zemlji dobitnika samo do odabrane evropske destinacije. Letovi mogu

- biti indirektni i neće biti dostupne sve rute. Plan putovanja će odrediti Priređivač po vlastitom nahođenju.
- Hotelski smještaj za dva noćenja na odabranoj europskoj destinaciji, za dvije odrasle osobe koje će dijeliti jednu dvokrevetnu sobu sa doručkom. Hotel će odabrati Priređivač po vlastitom nahođenju, ali će imati najmanje 3 zvjezdice.
- Transferi od aerodroma i hotela do događaja u europskoj destinaciji koju je odabrao dobitnik.
- Dnevnice. Dobitnik će dobiti poklon karticu ASA Banke sa određenim novčanim iznosom, koji uključuje i putne troškove, do/od mjesta polaska dobitnika, u iznosu od 114,00 KM po osobi ili ukupno 228,00 KM za dvije osobe. Poklon kartica ASA banke može se koristiti u inostranstvu. Sa poklon kartice ASA banke se NE MOŽE podići gotovina.
- Dobitnik će dobiti poklon karticu ASA Banke sa određenim novčanim iznosom, u koji će biti uključena i naknada za ručak u ukupnom iznosu od 182,66 KM. Poklon kartica ASA banke može se koristiti u inostranstvu. Sa poklon kartice ASA banke se ne može podići gotovina.
- Dobitnik će dobiti poklon karticu ASA Banke sa određenim novčanim iznosom, u koji će biti uključena i naknada za večeru u ukupnom iznosu od 365,32 KM. Poklon kartica ASA banke može se koristiti u inostranstvu. Sa poklon kartice ASA banke se ne može podići gotovina.
- Organizator će pokriti troškove putnog osiguranja za dobitnike i njihove goste, do maksimalne vrijednosti od 114,00 KM po osobi ili za dvije osobe 228,00 KM (uključuje i paket za dvije odrasle osobe). Putno osiguranje podliježe ograničenjima i uslovima osiguravajuće kuće. Obezbjedeno putno osiguranje je osnovna polisa za jedno putovanje i odgovornost je dobitnika i/ili njegovog pratioca da podmiri sve dodatne troškove koji se odnose na pokrivenost osiguranja za sva postojeća zdravstvena stanja i za sve dodatne troškove koji se mogu pojaviti ako dobitnik i/ili njegov pratilac imaju 70 ili više godina, nivoi pokrivenosti osiguranja će varirati i odgovornost je dobitnika i pratioca da osiguraju da je nivo pokrivenosti osiguranja koji se nudi odgovarajuće za njihove specifične okolnosti. Putno osiguranje moraju rezervirati dobitnik i gost nakon potvrde rezervacije leta. Za eventualnu isplatu osiguranja će biti potreban dokaz o polisi osiguranja.
- Kompletna administrativna podrška dobitniku od strane Organizatora: Uključujući prijevod korespondencije za dobitnika i putne dokumentacije gdje je to potrebno.

Ukupna tržišna vrijednost nagradnog fonda (svih osam sesija i upoznavanja) iznosi 68.328,00 KM plus PDV.

5.4. Svaka sesija ne uključuje troškove osim onih koji su posebno navedeni iznad, uključujući:

- Bilo koji nepredviđeni ili lični trošak koji ima dobitnik i njegov/njen gost.
- Ekskurzije i aktivnosti osim sesije i upoznavanja.
- Prijevoz, piće i hrana osim onih navedenih iznad.

5.5. Nagrada se mora preuzeti u skladu sa vladinim smjernicama i COVID-19 pravilima i ograničenjima koja su na snazi u vrijeme putovanja, a aranžman i dodatni troškovi za svako testiranje na COVID-19, smještaj u karantinu ili bilo šta drugo što može biti potrebno je isključiva odgovornost dobitnika i gosta.

5.6. Dobitnik i gost moraju:

- Putovati u isto vrijeme sa istim planom puta.
- Najmanje jedna osoba koja putuje mora biti starija od 18 godina. Ako je putnik mlađi od 18 godina, mora imati prethodnu dozvolu roditelja ili staratelja.
- Posjedovati pasoš koji važi najmanje 6 mjeseci od datuma putovanja.
- Ako je potrebno, pribaviti sve potrebne vize i dodatno osiguranje.
- Posjedovati važeću kreditnu ili debitnu karticu za potrebe depozita prilikom prijave u hotelski smještaj.
 - Nakon rezervacije, nagradni smještaj se ne može mijenjati niti otkazati.

5.7. Dobitnik će u okviru vrijednosti nagradnog fonda dobiti i poklon karticu ASA Banke sa određenim iznosom novca koji će se koristiti za:

1. putne troškove, do/od mjesta polaska dobitnika
2. naknade za ručak
3. naknade za večeru

Poklon kartica ASA banke može se koristiti u inostranstvu uz napomenu da sa poklon kartice ASA banke se NE MOŽE podići gotovina.

6. INFORMACIJE O NAGRADI

6.1. Nagrade se ne mogu prenijeti na drugu osobu i ne smiju se prodavati, nuditi na licitaciji ili oglašavati za prodaju bilo na internetu, u novinama ili drugdje. Nijedna novčana alternativa ili druge alternativne nagrade neće biti dostupne u cijelosti ili djelimično, osim u slučaju okolnosti koje su van razumne kontrole Organizatora, pri čemu Organizator zadržava pravo da nagrade zamijeni nagradama jednake ili veće vrijednosti. Nagrade će biti dodijeljene isključivo direktno pobjednicima.

6.2. U slučaju okolnosti koje su van razumne kontrole Organizatora, ili na drugi način kada prevara, zloupotreba i/ili greška (ljudska ili kompjuterska) utiče ili bi mogla uticati na pravilno provođenje ove Nagradne igre ili na dodjelu nagrade, Organizator zadržava pravo da obustavi Nagradnu igru, u bilo kojoj fazi, bez odgovornosti.

7. IZVLAČENJE DOBITNIKA I OBAVJEŠTENJE

7.1. Nakon završetka perioda Nagradne igre u svim državama, a najkasnije do 18.08.2024. godine, sve važeće registracije će biti objedinjene za izvlačenje nagrada.

Izvlačenje nagrada bit će obavljeno 28.08.2024 u Mars Hrvatska d.o.o. Pile I. 110000 Zagreb Hrvatskoj

Pobjednici će biti odabrani nasumično iz svih registracija iz svih država, korištenjem automatizovanog kompjuterskog programa.

Pobjednici mogu biti iz bilo koje države, ne nužno iz Bosne i Hercegovine. Ukupno 4 dobitnika će biti izvučena za sesije upoznavanje sa Bukayo Sakom, a 4 dobitnika će biti izvučena za sesiju i upoznavanje sa Lukom Modrićem. Na istom izvlačenju će biti izvučena 4 rezervna dobitnika za sesiju i upoznavanje sa Bukayo Sakom, te 4 rezervna dobitnika za sesiju i upoznavanje sa Lukom Modrićem.

Učesnici će biti uključeni u odgovarajuće izvlačenje za nagradnu igru u skladu sa igračem kojeg su odabrali prilikom registracije.

Odmah nakon odabira dobitnika, Organizator će objaviti nazive država, inicijale imena Dobitnika i broj dobitnika iz svake države na web stranici <https://www.snickers.com/football/bs-ba> na 06.09.2024. Lični podaci dobitnika (puna imena dobitnika, e-mail adrese, brojevi

mobilnih telefona, poštanske adrese) neće biti javno objavljeni.

U Brčko distrikt Bosne i Hercegovine proces odabira dobitnika će nadgledati tročlana komisija za izbor dobitnika, koja će sastaviti Zapisnik o procesu odabira dobitnika sa obaveznim podacima u skladu s Pravilnikom o primjeni Zakona o igrama na sreću Brčko distrikt BiH. Organizator će posebnom odlukom imenovati komisiju.

7.2.Svaki Učesnik može osvojiti samo jednu nagradu.

7.3. Dobitnici će biti obaviješteni do 06.09.2024. godine od strane Organizatora, prvo putem e-maila koji je naveden prilikom registracije za Nagradnu igru, nakon čega slijedi poziv na broj mobilnog telefona koji je naveden prilikom registracije, radi organizacije dodjele nagrade.Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama. Dobitnici će preuzeti osvojene nagrade najkasnije 30 dana od dana prijema obavijesti o osvojenoj nagradi.

Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenu nagradu, gubi pravo na nagradu, a Organizator će kontaktirati rezervnog dobitnika po redosljedu izvlačenja rezervnih dobitnika

7.4. Ukoliko dobitnik nije odgovorio na sva obavještenja iz tačke 7.3. u roku od 30 dana ili ne ispunjava uslove za učešće ili uslove za nagradu, ili na bilo koji drugi način krši ove Uslove, Nagrada se dodjeljuje rezervnom dobitniku po redosljedu izvlačenja rezervnih dobitnika. Ukoliko rezervni dobitnik ne prihvati nagradu u roku od 30 dana od dana kada je obaviješten o nagradi, Organizator će nastaviti sa svojim zakonom propisanim obavezama.

8. POREZI I NAKNADE

8.1. U skladu sa članom 24. Zakona o porezu na dohodak, nagrade i materijalna dobit od igara na sreću, čija je vrijednost veća od 1.000,00 KM, su oporezivi prihodi.Nagrade iz ove Nagradne igre imaju jediničnu vrijednost preko 1.000,00 KM i podložne su porezu od 15%, koji mora prijaviti, zadržati i uplatiti Organizator Nagradne igre, u slučaju da se izvuče dobitnik iz Bosne i Hercegovine.

8.2. Ukoliko je izvučen dobitnik iz Bosne i Hercegovine, u cilju ispunjenja člana 8.1 ovih Uslova, Učesnik koji je osvojio nagradu dužan je Organizatoru dostaviti potrebne podatke za prijavu i plaćanje poreza, u skladu sa zakonom o porezu na dohodak. Ukoliko dobitnik odbije dati tražene podatke, gubi pravo na primanje nagrade i nagrada se dodjeljuje rezervnom dobitniku po redosljedu izvlačenja rezervnih dobitnika.

8.3. Organizator se obavezuje da će porez navesti u Referenci iz člana 73. Zakona o porezu na dohodak, i da će prijaviti i platiti porez na dobit po Zakonu o porezu na dohodak u ime Učesnika koji je osvojio nagradu.

9. OBRADA LIČNIH PODATAKA

9.1. Organizator prikuplja i obrađuje lične podatke u skladu sa svojom Politikom privatnosti koja je dostupna na <https://www.mars.com/privacy-policy>. Obrada ličnih podataka Učesnika neophodna je Organizatoru i Priređivaču nagradne igre, koji je odgovoran za obradu u okviru organizacije Nagradne igre i radi obavješćavanja dobitnika o rezultatima i organizaciji dodjele njihove nagrade, u skladu sa ovim Uslovima i odredbama. Ovi podaci se neće dijeliti ni sa jednom trećom stranom, osim sa Organizatorom i njegovim podgovaračima koji djeluju u njegovo ime u svrhu cjelokupne ili djelimične obrade ličnih podataka Učesnika kako bi se ispunili uslovi ove Nagradne igre. Podaci se mogu obraditi u marketinške svrhe ako su Učesnici dali svoj pristanak za to prilikom registracije.

9.2. Podaci o Učesnicima koji nisu izvučeni kao pobjednici će se čuvati za vrijeme trajanja Nagradne igre, a zatim će biti izbrisani. Podaci o dobitnicima će se čuvati 30 dana od dodjele njihovih nagrada. Podaci učesnika koji su dali pristanak za marketing će se čuvati sve dok Učesnici ne povuku svoju saglasnost u skladu sa važećim zakonima o zaštiti podataka u relevantnoj Državi.

9.3. Učesnici u Nagradnoj igri mogu ostvariti svoja prava na privatnost u vezi sa dostavljenim ličnim podacima tako što će kontaktirati Organizatora putem kontakt podataka navedenih u njegovoj Politici privatnosti. Osobe koje ostvaruju svoje pravo na brisanje, prijenos, prigovor ili ograničavanje obrade svojih ličnih podataka prije završetka Nagradne igre neće moći učestvovati u Nagradnoj igri.

9.4. Učesnici imaju pravo da ulože žalbu nadzornom tijelu za zaštitu podataka koje se nalazi u njihovoj matičnoj Državi, a u slučaju Bosne i Hercegovine Agenciji za zaštitu ličnih podataka BiH.

9.5. Spisak dobitnika (samo skraćena imena i država prebivališta) dostupna je na zahtjev. Ako postoji potreba, pošaljite svoj zahtjev na adresu: inform@effem.com u roku od 3 mjeseca od datuma završetka Nagradne igre. Ukoliko se dobitnik protivi tome da se njegovi podaci stave na raspolaganje, potrebno je da kontaktira Organizatora putem e-maila na info@effem.com. Organizator ipak može dostaviti informacije regulatornim tijelima ako se to traži zakonom.

9.6. Uz pristanak dobitnika, oni mogu učestvovati u javnim promotivnim događajima vezanim za ovu Nagradnu igru bez dodatne naknade.

9.7. Vezano za Opštu uredbu o zaštiti podataka (GDPR), „Lime Communications Ltd“ će obrađivati podatke o pobjednicima, kao i Element London Ltd.,

<https://wearelime.co.uk/our-privacy-policy/>

<https://element-london.com/element-london-privacy-policy-travel-english/>.

te učesnici daju svoju saglasnost da će Organizator prikupljati, obrađivati i evidentirati njihove lične podatke navedene u prijavi u skladu sa Zakonom o zaštiti ličnih podataka BiH („Sl. glasnik BiH“, br.49/2006, 76/2011 i 89/2011.) i to isključivo u svrhu provođenja nagradne igre i dostave nagrada utvrđene ovim Pravilima. U skladu sa Zakonom, sudionicima u nagradnoj igri su zagantovana prava na pregled, kopiranje, ažuriranje, popravak, blokiranje i brisanje ličnih podataka koji se na njih i odnose.

Nakon isporuke nagrada, lični podaci utvrđeni ovim Pravilima se brišu.

10. ODGOVORNOST

10.1.Učešće u Nagradnoj igri putem Interneta podrazumijeva poznavanje i prihvatanje karakteristika i ograničenja interneta, posebno u pogledu tehničkih performansi i vremena odgovora za konsultacije, upite ili prenošenje informacija. Nedostatak zaštite određenih podataka od mogućeg prisvajanja i opasnosti od zaraze bilo kakvim virusima koji kruže mrežom ne mogu ni pod kojim okolnostima biti odgovornost Organizatora.

10.2.Organizator se neće smatrati odgovornim u slučaju prekida Internet komunikacije ili promjene učešća (mrežna komunikacija, prekid rada mreže) i, generalno, za bilo kakav kvar na internet mreži nad kojim Organizator nema kontrolu.

10.3. Organizator se neće smatrati odgovornim u slučaju da ne bude u mogućnosti kontaktirati dobitnika zbog toga što je dao netačne podatke [e-mail/broj mobilnog telefona] prilikom registracije prijave.

10.4. Rezultati izvlačenja su konačni. Na rezultate nije moguće uložiti žalbu. Ako su dobitnici nagrade naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u nagradnoj igri, Organizator zadržava pravo ne dodijeliti nagradu istima.

10.5. Organizator nagradne igre ne preuzima odgovornost za eventualnu štetu nastalu u vezi sa učešćem u nagradnoj igri, odnosno preuzimanjem i korištenjem nagrada.

10.6. Dobitnici potvrđuju i prihvataju da se putovanje obavlja na njihovu isključivu odgovornost. Organizator zadržava pravo da zatraži pismeno oslobođenje od odgovornosti. Dobitnici također garantuju da će posjedovati važeći pasoš ili bilo koji drugi dokument potreban za putovanje (na primjer: vizu, itd.). Organizator se ni pod kojim okolnostima neće smatrati odgovornim ako dobitnici ne budu u mogućnosti putovati jer nemaju važeći pasoš ili bilo koji drugi dokument potreban za njihovo putovanje. Generalno, Organizator nije odgovoran u slučaju poteškoća bilo koje prirode u vezi sa uslugama koje se pružaju u sklopu putovanja, a sve eventualne reklamacije moraju biti upućene Organizatoru.

11. OPŠTE INFORMACIJE

11.1. Ako se utvrdi da je bilo koja klauzula ovih Uslova i odredbi nezakonita, nevažeća ili na drugi način neprovođiva, tada će se smatrati da je izbrisana iz ovih Uslova i odredbi. Preostale klauzule ostaju nepromijenjene i ostaju na punoj snazi.

11.2. Svi eventualni sporovi koji nastanu između Organizatora i Učesnika po bilo kojem pitanju će se rješavati sporazumno, a u slučaju nemogućnosti sporazumnog rješavanja spora, takav spor će rješavati nadležni sud u skladu sa primjenjivim zakonodavstvom Bosne i Hercegovine.

Na ove Uslove i odredbe se primjenjuje važeće zakonodavstvo Bosne i Hercegovine.

12. PREKID NAGRADNE IGRE

12.1. Organizator ima neopozivo pravo da u bilo kojem trenutku prekine Nagradnu igru, najavljujući to u skladu sa članom 1.6. ovih Pravila, u slučaju da utvrdi zloupotrebu ili masovno kršenje pravila, u slučaju više sile ili iz drugih objektivnih razloga. U slučaju prijevremenog prekida Nagradne igre u skladu sa ovim Pravilima, Učesnici nemaju pravo na bilo kakvu naknadu.

12.2. Učesnici će biti upoznati sa Pravilima nagradne igre posredstvom web <https://www.snickers.com/football/bs-ba>, te objavom u dnevnom listu, najmanje 7 dana prije početka nagradne igre.

12.3. Za potrebe ovih Pravila, višom silom smatra se svaki događaj koji Organizator ne može kontrolisati, otkloniti ili predvidjeti, a zbog čijeg nastupanja Organizator ne može ispuniti svoje obaveze u skladu sa ovim Pravilima. Takvi događaji podrazumijevaju, bez ograničenja, epidemije, ratove, požare, poplave, štrajkove i blokade, zemljotrese i druge katastrofe bilo koje vrste, te svaku zakonsku odredbu koja može zabraniti ili izmijeniti odredbe Pravila.

12.4. Ova Pravila se primjenjuju po dobivanju saglasnosti nadležne Poreske uprava Brčko distrikta BiH, a vrijede do završetka nagradne igre.